

OMUKUETU


No: 10

ESIKU 15 Ija

MAI

1989

X.X.X.X.X.X.XX ■ XX.X.X.X.X.X.X ■ X.X.X.X.X.X.X ■ X.X.X.X.X.X.X ■



PENTEKOSTE

Ila Ombepo Ondjapuki, ila huka, ku luka megulu u tujelišile Kristus moomueño zetu; Ila, ekuaso ljoohepele, ila, omügandji guomagano, ila, Uujelele uomueño. Ongoje omütalaleki u vule ajehe, ongoje omüjenda omüuanaua, epupju ljooopalal! Ongoje evululuku miilonga, etalaleko muupju, omükumo moluhuzi! Ongoje eazimo nuujelele Uujapukielela. Uzışa oomueño zaaziginini joje! Kape na ngoka kee nošipue, ngele oonkondo zoje kazi po. Šoka ša nana, ši joga, šoka ša kukuta, ši šaşamišana no ši nengeneka, šoka ša alulua, ši aluzaz, šoka ša talala ši pupjaleka, kongakaza ja kana. Aaziginini joje, mbokataje ku inekele, ja pa omagano goje omajapuki, koleka eitaalo, pa etopoko li nelaago, pa enanu ljaaluhe. Amen.

Kalunga, esiku Ija pentekoste ljetango, mohenda joje ongoje ua uzışa oomueño zaaziginini joje nOmbepo joje Ondjapuki, jaanondjele ošo ngeji ua ziki egongalo ljoje ejapuki kombanda jevi. Tilila Ombepo joje Ondjapuki no mutse uo nokombanda joñama ajihe. Zimbulukua ošiguana šoje, na talaleka egumbo ljoje. Ila Ombepo Ondjapuki, tula egongalo ljaaziginini meoo-palo ejapuki košipala šOmüua gualjo. Li pa nokomeho uo omagano goje ogendji, opo natse uo tu ka hambelele no tu ka u više nomalaka omape iilonga iine-ne niuanaua ja Kalunga e ji longiša ku Jesus Kristus. Ombepo johenda, uzışa oomueño zetu nomajambeko agehe gopampepo. Tu koleka, tu kale tuua nomalimbililo okulimbililua ohoole jaHe nesilohenda lja Jesus Kristus, ezimo ljomajonagulo nomauvaneko agehe ga Kalunga ge nomükumo no ge li eeno na amen mu Kristus Jesus, opo ga kale eeno na amen nomoomueño zetu uo. Tu pa omueño guuka guopakanošna, nomazilazilo ga fa ngejaka' Jesus Kristus okua li e ga na, no tu kale tu uža iijimati juujuuki. Oomueño zetu zi mangakumue memango ljombili, opo tu kale meimueneno, no tu kale tu uvitašane naua, nokuizizimikilašana mohoole. Tu pa uuziiginini pešimbo ljuuzigu no ljuuehame, uuziiginini sigo pehulilo. Tu tsumükumo moluhepo aluhe no momaluhuzi agehe, uuehame uetu u šitulula eñañu. Penduša oomueño zetu megalikano ljašili no mokukušgila kuNgoje, tu jelušo omaako omajapuki ku Kalunga tuua na nando omalimbililo; na, omolua šoka tu li po katu ši kugalikašna ša, ngašika tu noku ši ninga, Ongoje tu galikanena nomifuz' olule kazi ši kutušmbulua. Koleka aankundi, pukulula apunduki, galula mboka ja kana, natse atuhe tu koleka nekuaso ljoje li noonkondo. Ila Ombepo Ondjapuki, kala uujelele uetu momilešma, uukalinaua uetu manga tu nomueño,

etalaleko ljetu meso, navulua tu fala mesi-
mano ljaaluhe, moka tatu mü tanga no ta-
tu mü hambelele nomalaka gomegulu O-
ngoje pamue naHe nOmüuana aluhe sigo
aluhe. Amen.

Okuaavulika. osiponga.

Okua li ku nomünona e hoole okuzana
mooha zomülonga šaa si^ku. Ihe aakuluntu
je oje mulombuele ja ti kaangoje ino za-
na ue pooha zomülonga oto lika koonga-
ndu Omünona okua jamukula a ti: Aue,
itandi lika, Ongame ošinima ošinene. Ano
ošo a ti ngeji. Esiku limue šo kua zanene
mpoka a kala šito ohaluka jouala ongandu
oje mu jakula po nokua lika naji kujo no-
kua si omolookuaavulika kue.

Ano ošo ngeji tatu mono nonena Aa-
kriste aanene našona ja pukululua kaah-
ngi no kaasita jauo. Ihe inaa vulika nande
nande. Ano oji itangele uulunde uauo sigo
ja sile mo no ja lika kongandu onene sata-
na.

Eša uuzano nohoole juulunde! Jesus ta
ñañuz' omülanduli gue. Ila kOmükulili oj'
ekukunde, Hambelelela ohoole ndji je.
Megulu to ji Ih' ondjila tuu ndji. Jesus
ondjila, nošeelo oši.

J. Nd.

Ošike nda mono miilongo

POKATI KONGONGA JEVI

oku nuupju ua geja šili, ihe tse inatu ši
nzingilika uunene, šo tua li tue ende oma-
siku gamue sigo esiku limue ongulohi, eta-
ngo šo lja ningine, kua monika ošimpoko
ševi ši itsu kokule mefuta. Ošo ša nik' oo-
ndundu, no peha lji itumbu pombandelela,
oko kua zikilua ko ošungu ji nolampa o-
nene taji pukulula aanaskepa ja kale je ši
kukotoka, nge taje ende uusiku.

Ošimpoko šono ošo ša Somali ondu-
ngu ja Afrika jokuuziloelela.

KEFUTA ETILIGANE

Nge pua piti natango omasiku gaali
noskepa ja šika kefuta etiligane, nani oši-
nge tue ji laleke. Kuumbangalantu oku
nokufu ngašingeji, nuutalala tue u azele
ko.

Nani efuta ndika uo enene. Oskepa
nge je ende pokati, ominkulo inazi moni-
ka nande ue, petameko apeke za monika.
Oontuntu za monika ozo azike, kamu na
nando iimeno, ošoka aniuva omvula ihaji
ja ko.

Pondungu onkuauo jefuta kua monika
išeue omünkulo guošimpoko ša Sinai Nani
ojo uo kaji niimeno nande nande. Komü-
nkulolela kua li ehekevi alike, ehala enene
kašona. Pamue ontanda jaaisilael jonale ja
li peha lja tja ngaaka. Kombanda jehekevi
kua jeluka oondundu oonene zi noondungu
ozindji, nani kondundu ja tja ngaaka Ka-
lunga okua holokele ko, šokua gandja iipa-
ngo je omülongo.

Oskepa šo ja tsikile ko košipopolua
ša Suez, oondundu za hulu ihe. Kombinga
ja Arabia kua monika ehekevi alike, oma-
haufu omanene ngaši ku Walvisbay. Ko-
mbinga ja Egypti tango ehekevi alike uo,
ihe komeho evi lja ningi euanaua lja siluka
kašona no lja li li nomeja.

EGIPTI

Nani ešimbo ndika oljo ljejeelu. Oši-
longo ša Egypti ašihe ša li ša jelulua ko-
meja ga zi momülonga gua Nil. Omagumbo
ga gongala pomaha ga tumba kašona ga
foontuntu, nuuato ue ende komapja. Ondji-
la jolutenda ja tungilua ketuni ljošipopo-
lua, noonkamelo za monika ozindji za hu-
mbata omitenge, ihe zimue za hili uo ete-
mba ongoonani.

Aajarabia ojo tuu ja monika išeue oje-
ndji je vule aantu jalue, negala ndjoka lja-
muhammed oljo lja holoka apehe.

Ando tu kale tu nuupenda u šike mpo-
ka okuhempulula eitaalo ljetu ljuukriste
mokati kaantu, tu monike tse aalanduli ja
Jesus šaa mpoka tatu ende, elaka ljomueño
li monike košipala šetu nomokukala kuetu.

KREETA

Oskepa ja tsikile ko išeue kefuta ljopo-
kati. Omeja ageke ga monika nombepo o-
ntalala. Esiku limue tue ende popepi no-
ntuntu ja Kreeta. Tue ende kombinga jo-
kuumbugantu ngaši omüjapostoli Paulus
okue ende nale.

Nani ontuntu ajihe ja nik' oondundu.
Oondungu za toka kiikangua, ihe komatu-
ni kua luuza kua fomuiži, nomagumbo ga-
mue ga monika uo. Omamaña ga tsa sigo
kefuta, nokakua li nando eha oskepa ji
heže ko andola.

Kombanda jontuntu kua zi ombepo
onžigu je tu zenge uo naji, egulu alihe

lja li li niikogo, netango inali monika, ihe oskepa jetu ja li onene ji vule ja Paulus jonale, nombepo inaji ziginina olule, nge pua piti ootunti zimue, tue ende naua iseue.

ITALIA

Nge pua piti omasiku gaali omünkulo gua Italia guokuumbugantu gua monika iseue. Evi ljoljene lja fa ondungu ja Afrika jokuumbugantu. Lja nik' oondundu, ihe oko ku nomasilu uo goopalela aantu. Tue ende popepielela, omiiti za monika naua nošo uo oongulu zaantu. Iilando jimue tue ji tala ngeji nošo uo esina ljolutenda lje enda komünkulo.

Kombinga onkuauo kua li ontuntu ja Sisilia, ihe ojo inaji monika naua, ošoka oko kua li ondu.

STROMBOLI

Nge tue ende iseue ootundi zimue kua monika ontuntu jimue, ezina ljajo Stromboli, Ojo ondundu jimue ajike, haji kungu omülilo Kondungu kua toka kiikangua, kombinga jimue kua ekama ombogo onene moka mua zi oluši lua pama nomalaka gomülilo guoguene. Kombinga onkuauo etuni lja jelekana kašona luo kefuta, oko kua li oongulu zaantu, okalando nokuli. Nani oku naantu ihaa tita omülilo, ngaje inandi hala okukala mo.

KORSIKA NA ELBA.

Oskepa nge ja humu komeho iseue, kua monika ontuntu onene kašona, Ojo Korsika, oko kua valua omükesari gaafransa Napoleon ngoka a lala iilongo ojindji jomu Europa.

Ihe kombinga onkuauo joskepa okantuntu okašona ezina ljako Elba. Oko Napoleon a tizilua mo, šo kua kušua po iilongo je ajihe, ohugunina okua falelua kokantuntu ke li mefuta lja Atlanti.

Nani oonkondo zopajuni kazi ši ku i nekelua. Ngoka a tumbua nena, oje ta šu nduka ongula. Kalunga ketu oje auike ta pangele sigo aluhe.

L. Lindstrom

Europa

Ongulohielela eti 14 lja mars oskepa ja šika košilando ša gonua ši li mu Italia. Omünkulo aguhe gua azima komililo zokomapandaanda no zokoongulu. Kamu naaluuze ue taa longele oskepa, aatiligane ajeke

ja monika komünkulo. Europa lja ja.

ITALIA

Ongula onene aapolisi aitalia je ja moskepa, ombapila jokukonda ongamba ja pulua, iinima jetu ja talua ngele tu na ša šoka ši indikua, niimaliva ja pulua. Aniuu iimaliva ja Italia kaji ši kufalua mošilongo, aue, uušona auke omüntu ta ziminua oku ja mo nauo. Ngame inandi ji ikongela nande.

Onda mono iseue omüntu e ši kupopja ošinduisi, oje a jakula ndje, okua fala ndje kostasiona jolutenda nokua landele ndje ombapila jokutsikila ondjila, šo nde mü pe iimaliva jaaenglisa.

Ešina šo lja zi košilando, olja kondo tango oondundu kazi ši oonde uunene, ihe iihuepo tuu. Pomaha ogendji ondjila oju ululua meni ljondundu.

Komatuni kua tungilua omagumbo oge ndji, nuupja ua longelua ko uo.

Nani mu Italia jokuumbangalantu omu nešelakano enene, ondjila jetu je li tokola pokati. Oljo ehala ljoopala šili. Akuhe kua papulua omapja, moka mua tsikua omiiti zokupaluša eziño hali tungu ongozi jošiseideri. Ošihua šomavinu ša monika uo, nomapungu ga mena nokuli. Pokati kešelekano taku ende omülona omünene gua lukua Po, niilando nomagumbo ga li po ogendji ga fa ga kunua mokati komapja.

Uujuni auhe ua nik' ošinge ji li pokuja. Ihe kooha zešelakano oku noondundu ondendeka za Alpi. Ozo za monika kokule no za nik' okufulela. Poondungu zopombanda za toka kiikangua, nokomatuni kua monika omalunduluko agehe sigo kekota kua li ošinge, niilja jamena, nomuiži gua ziza.

SWEITSI

Ešina šo lja londo koondundu, Italia tue ji laleke, oohapu azihe zokongamba za pulua, nomühingi omüpe e ja mešina, oje guomu Sweitsi moka tua ji mo ngašingeji.

Ešina lja pitilile mo meni ljondundu iseue, na šo lju uluka, uujuni ua li ouiili. Tua šiki mošilongo ši noondundu azike, kamu na nando eha lja jeleka. Iilando nomagumbo agehe ge li komatuni, nomapja kage mo. Moombogo omu nomatale omaleleka moka omeja tagi inenge. Ngašingeji tua azele mo okufulela. Ošilongo ašihe ša toka kolumi nokiikangua, omiiti azihe ozo zokuutalala ngaši zi li košilongo šaandjetu. Komatango kua holoka iikogo, nomvula ja loko, ihe kaji ši omvula guomeja, aue, omvula guolumi. Omueño gua

ndje gua nanukua. Ondu uvite okrismesa je ja. Nani omüpaavi okua sile mu Roma manga ngame nda li mondjila, nomüpe kua hogololua išeue. Mesina nda aza omüntu ngoka a jile mu Roma a kale mošitušiši šomüpaavi omüpe šokua zalekua ošišani še.

Duisland

Ongulohi tua šiki kongamba išeue. Aa nduisi je ja mesina, noohapu zongamba za li po ozindji. Uunene iimaliva ja pulua, ošoka aanduisi je niipango ojindji jokuuša iimaliva jatjangiini taji ziminua okua mošilongo.

Mošilando šotango kombinga jaanduisi onda zi mo mešina ndi lale mo mongulu jime jaajenda.

Ongula nda tsikile išeue. Nani otu li mokufu natango. Evi alihe lja toka. Ihe esina lja tameke okukuluka koondundu lja landula omülonga gua Rhein sigo lja šiki mesiluelela. Nena iikangua ja hulu, nolumi ja šonopala kašina na kašona sigo kaji koe, šo tua šika pokati mu Duitsland. Opo mpoka esina lja punguluka kuuzilo no lja tokola ošilongo ašihe.

Nani ošinge ja li pokuja nohuka uo. Inaji šika naua ngaši mu Italia, ihe oji li tuu pokuja. Pomaha ga gama pomüteña omuizi omüpe gua ziza, ihe muulambo ua gama momüzile mua šigalala olumi.

Nani ošilongo šaanduisi ošuuzaa aautu. Akube kua papulua omapja, nenge kua zikilua iilonga jomasina. Omagumbo niilando ja monika ojindjijindji.

Ohugunina esina lja punguluka luokumbangalantu, nuutalala ua tameke okuindjipala išeue. Ongulohi evi alihe lja toka išeue, šo tua šika mošilando ša Berlin. Olumi ja kombua mo mošilando, ihe ha uutalala.

Nani Berlin ošo ošilando ošinene. Omo tamu ende iaauto jokuulukila aajenda ošilando. Mesina lja tja ngaaka nde ende ootundi mbaali, ihe ombinga jopokati ajike tue ji mono mootundi nzoka, oongulu zaapangeli noongerki zimue nomaha guuzano no gezeuo ljolutu.

Onda tsikile ko išeue kuumbangalautu sigo košilando ša Stettin. Oluendo nduka oluootundi mbaali mesina ljolutenda, ihe aluhe uutalala ui indjipala, evi alihe lja toka kolumi, nomiti za tameke okunik' uumbangalantu.

KEFUTA LJOKUUZILO

Natango lumue kua pulua oohapu nzoka zongamba, no nda hiti moskepa jokuukonda efuta ljokuuzilo.

Tango kua li ku nombepo kašona, naantu jamue jaalukua aniuu uusiku omolua

šoka oskepa ji inenge naji. Ngaje nda koša ouala uusiku auhe, nongula šo nda penduka, ombepo ja muena silu.

Tue ende nombili omasiku gaali, ihe natango mondjila kua li ošilongo šimue. Otue ja komünkulo guošilongo ša Estland. Komünkuloelela tua aza iikangua kefuta, ihe ojo ja tatulua nale, tse tue ende mofora joskepa onkuauo je tu tetekele.

Otua hulile košilando ša Tallinna, aantu jamue ja ji ko nokafraha. Mošilando mua popiua elaka lja tameke okunik' ošišuomi. Iitja jimue ndi ji uvite nda fomükuanjama a šika kondonga.

SUOMI

Natango tue ende ootundi ne, nomükulo gua Suomi gua monika. Eti 20 lja Maart nda šika mu Helsinki. Ondohtora Melander nde mü aza komünkuloelela naantu jamue ndi ja ši nale.

Natango lumue kua pulua oohapu ažihe zokongamba jošilongo, šo nde ja pevi, ihe šo za pu, ombaka je ja okutsakaneka ndje ojo ja fala ndje kongulu ja Missioni.

Omo nda azele ko omüsamene Paunu naakuluntu oojakuauo, omüsamane Aatu Järvinen noofeilan Karin Hirn na Saima Teittinen na Maria Ala — Nikula ja li ko uo. Ngame nda kala ko omasiku gane, no nde ja hokololele omakundilo gaauambo.

Onda li ndi nokuilandela ombaikiša ja kola, ošoka kua li ku nuutalala. Efuta alihe ljokomünkulo lja siikilua kiikangua, oskepa ja li je ende mofora ja tatulua nale, nevi alihe lja toka kolumi. Aantu ajehe je ende moonguo zokufulela.

KAANDJETU

Ondi itula mondjila išeue ndu uka kuuningini no uošilongo. Onda ende nondjila jolutenda. Kostasiona jimue mesina mue ja omukazona omuleleka te ja ta popiša ndje. Onda mu popiša ongomujenda, ihe okui ihokolola aniuu amuameme. Inandi mu zimbulula nande nande, ošoka nde mu šigile ko okaana, nomuntu ngoka eja oje e šike pamue nangame.

Otue ende pamue košilando ši li popepi naandjetu. Omo nda aza išeue omuameme a hokana manga nda li kOuambo. Megumbo lje nda ningile ko omasiku gatatu. Kaandjetu kua tuminua elaka je je okuiila ndje.

Esiku limue kua ja omunaposa, aniuu e ja netemba lja hilua kokakambe Onda ji metemba lje, no tua zi košilando tueja kefuta Aniuu iikangua inaji kola ue nauelela, no tua li tu nokuzingoloka kašona, ošoka ja hemuka nokuli pomaha gamue.

Šo tue ende ootundi mbaali kiikangua, otua šika kontuntu ndi ji ši nale. Pošijeelo šokaandjetu kua šikama meme Nani oondjenda za hulu. Esiku ndjoka oljo eti 28 lja Maart.

Ilgumbo li li po naanaa ngaši nale. Kamu naša ša lunduluka andola. Ngame nda fa nda jaguma ouala, ihe kandi šiuo ngele okuja kuandje kegumbo okuo ondjozi jouala, nenge omimvo nzoka zuundjendi pamue ozo za li oondjozi azike.

Šoka ašike ndi ši ši uundjendi tau hulu, šeke šeke nge tua šiki ku Tate jOmegulu.

Liina Lindström